

NOVELA REY DI CONTRABANDO

CAPITULO 37

Ta sigur pues cu nos enemigonan lo a bini aki cu un aeroplano of un barco,-- el a bisa pensativamente. --Bo ta kere cu nan barco of aeroplano ta aki?--

Dan a puntra. --Naturalmente,-- Howard a contesta mientras el a sagudi su cabez. --Si nos no tin medio pa bay for di e lugar maldiciona aki, no ta importa si nos derrota nos enemigonan of no.

Ademas nos ta core risco cu pa rabia y venganza nan lo destrui e unico medio cu nos tin pa bay for di aki. No..... mi amigo,-- el a bisa cu un tono decisivo. --Promer nos mester mira si nos tin moda di sali di aki, anto despues nos lo mira si nos por salba e mucha muher. Dan Coolidge a acepta opinion di su compaño. --Solamente tin un otro dificultad: --Nos enemigonan sabi cu nos aeroplano ta aki. Si nos kita for di aki no tin hende pa cuida e aeroplano,-- Dan a bisa. --Con bo ta pensa di solucion e dificultad aki?, --Mi tambe a pensa mescos,-- Tracy a bisa poco poco. --Nos ta core risico grandi di haya nos aeroplano na shinishi, si nos bay laga e aeroplano sin hende pa cuide'le.

El a hiza su schoudernan mientras el tabata busca su ultimo cigar den su saconan. El a parti e sigaria na mitar y el a duna su compaño un pida.

Esaki a acepta e pida sigaria cu un sonrisa y cu masha placer tur dos tabata goza nan ultimo pida sigaria. --Nos no por keda aki cuida e aeroplano ni tampoco un di nos por keda aki y e otro bay na otro banda di e isla pa salba e mucha muher.

Ademas tin e mes un risico cu esun cu lo keda atras por core e mes un suerte di bira difunto manera Fen. --Howard a lanta para y el a rek su mes.

--Laga nos bam-- el a bisa. --Bo n' ta kere cu nos mester hiba loke nos por usa?-- Dan a puntra.

Tracy Howard a keda pensa un rato. --O.K.-- el a contesta. --Nos lo hiba loke nos por usa, pero, corda bon cu si nos mester hiba hopi cos anto nos no por move liher. Dan a sagudi su cabez. Su vista a cay ariba maletin di e mucha muher, cu te ainda tabata den un hoeki di e aeroplano. Di repente el a bira ansioso, pero e promesa cu el a haci e mucha muher a detene'le. El a priminti e mucha muher cu el lo percura pa ningun hende mishi cu ne. El a dicidi di discuti e problema cu Howard. --Kiko nos lo haci cu e maletin di señorita Marcia?-- el a puntra. --Kiko bo ta kere cu nos lo haci cu ne?-- Howard a conteste. --Bo tin idea di hiba e cos ey hunto cu bo tur caminda cu bo bay?-- --E mucha muher semper a warda e maletin manera algo precioso,-- Dan Coolidge a bisa pensativo. --Lo mi kier sabi kiko tin aden..... --Habri'e no,-- Tracy a bisa. --Si bo no habri'e, otro lo habri'e y rista aden. Mi ta asombra di con nan no a rista aden. Dan Coolidge a pone tur consideracionnan di etica un banda. Su amigo tin razon.

Pakiko nan lo no habri'e? Si e tin algo aden cu ta di interes pa Marcia el lo hibe y debilbe'le despues. Si e lage anto sigur lo pasa algo cu ne.

Cu decision firme el a acerca e maletin y a keda waak e slot, E slot tabata simple pa habri.

Despues di a purba varios yabi cu el tabatin den su saco sin por habri'e, el a dicidi di saca su sambechi, y el a kibra e slot cu a bula habri cu un zonido dof.

e ta continua mañan.....

ARUBA REPRESENTA NA NOCHI DI FANTASIA NA NEW YORK

ORANJESTAD(AAN)-- Recientemente a tuma lugar na New York e di seis Nochi di Fantasia di Concorde Hotels International.

Tres banda Musical a entretene un grandioso publico na e Concorde Fantasy Night cu ta e fiesta anual grandioso cu Concorde Hotels International ta organisa na New York.

E fiesta aki, uno di esnan mas popular den industria di viaje y turismo a trece hunto mas di 500 miembro di e industria den e nightclub Copacabana na New York.

Señor Hernan Gehr, Gerente General di Con-



corde di Aruba hunto cu e Director di Ventas Marco Antonio Wix tabata entre otro e anfitrionnan pa parti di Aruba.

Ariba e foto por

aprecia nan den compania di Jeanne Giarratano di Jardine Ragona Travel di Danbury y Roy Miller di Celebrity Travel Service di New York.

JAYCEES PA BAHAMAS

ORANJESTAD(AAN)-- Awe un delegacion di 17 Jaycees di islanan di Antillas ta viaja pa Bahamas pa atende e conferencia di Area E di Jaycees. Un di e temanan di e

conferencia ta "Cooperacion Noord-Zuid pa medio di hende joyen"

Lo papia ariba cooperacion Economico, proteccion di ambiente y liderazgo pa paz.

Lo tin discusionnan, varios workshop y despues lo discuti e sugerencianan prome cu bini cu e resolucionnan.

Area E ta consisti di Belize, Canada, Bahamas, Bermuda, Antillas Hulandes, Suriname, West India y Merca.

Aruba ta presenta na e conferencia aki cu meta principal di promove nos isla.

Durante e luna aki tambe, e weekend di dia 24 pa 26 di mei, San Nicolas Jaycees lo ta anfitrion di e reunion Semi Anual di Jaycees cual ta tuma lugar na Idefre Hotel.

BON BINI FESTIVAL AWE NOCHI

ORANJESTAD(AAN)-- Awe noch na Fort Zoutman lo tin e prome Bon Bini Festival, cual ta e festival cu ta tuma lugar di Watapana Festival.

E evento aki ta un folclorico pa ofrece e turistanan algo tipico di nos isla.

E festival ta cuminsa pa 6.30 atardi cu actuacion di Trio Los Arubeños, Grupo Criollo y tipico, baile di Flor di Palisia.

Lo bende carchi na entrada a razon di dos florin pa persona y por ha-

ya carchi tambe na Instituto di Cultura y Oficina di Turismo, te cu awe tardi 4 or.

Nos artesanonan local tambe lo pone nan produccionnan na venta. Lo tin stand di cuminda y e hotelnan local lo percura pa bebidanan.



MEDEDELING

Het Hoofd Telefoon dienst maakt bekend dat op woensdag 5 juni 1985 om 10 uur 's morgens te zijne kantore, Hendrikstraat 22, een openbare aanbesteding wordt gehouden voor levering van Houten Telefoonmasten. Het bestek is tegen gerede betaling van f. 15,- bij de administratie van de Telefoon dienst te verkrijgen, ingaande donderdag 9 mei 1985.

Pa medio di esaki Sra.E.T.Croes-de Freitas ta participa cu desde D.R.A.J.F. Croes a bandona su hogar pa biba cu su amante M.Kock/Sra.Croes ta responsabel y capaz pa tur gastonan haci door di su persona.

AVISO

Commandante di MSKSAVNETA ta participa cu lo tin e hercicionan ariba tereno di California dia 6 di Mei 1985 for di mainta 07.00 'or te merdia 13.00'or. Parti peligroso for di costa 4000 meter.E tereno lo worde marca cu banderanan corra y borchinan di aviso.